

Aalajangiiffigisassatut siunnersuut, Naalakkersuisut misissuinissamut suliakkerneqarnissaat, saqqummiutissallugu innuttaasut aningaasaataannut qanoq sunniuteqartigissanersoq suliaritittussat utaqqisarnerisa annikilliseriaqqinnissaanut suliniut. Misissuineq paasisuttissiisaaq suut periarfissaanersut utaqqisut ikilisinnissaannut aammalu aningaasartuutissat suusanersut. Misissuineq siunnersuutininik imaqassaaq.

(Inatsisartunut ilaasortaq Justus Hansen, Demokraatit)

Akissuteqaat

(Peqqissutsimut Naalakkersuisoq, Doris Jakobsen)

Siullermeerneqarnera

Naalakkersuisut siunnersuummut qujapput. Suliaritinnissaminut utaqqisut ikilisinneqarnissaannut periarfissanik pisariaqartitsinermillu misissuinissap oqallisigineqarnissaa naleqquttupilussuuvoq.

Siunnersuusiortutut Naalakkersuisut isumaqarput suliaritinnissamut sivilisuumik utaqqisarneq akunnakusoorsinnaasut. Sivilisuumik utaqqisoqartillugu innuttaasumut, peqqinnissaqarfimmut inuiaqatigiinnullu naleqqutinngilaq. Killormulli saakkutsigu utaqqisoqanngiivippat peqqinnissaqarfimmut inuiaqatigiinnullu naleqqutuunngilaq, tamanna takutissagamiuk peqqinnissaqarfimmi sulisoqarpallaarnera.

Naalakkersuisut utaqqisarnerup annikillisarinnissaata soqutigineqarnera nuannaarutigaaq, aammalu Inatsisartut utaqqisut annikillinissaat anguniarlugu immikkut aningaasanik tapiissuteqarsimanerat nuannaarutigineqarpoq.

Siunnersuuteqartup siunnersuuteqarnermini kisitsisitigut takussutissat marluk takutippai. Takussutissap aappaa takutippaa napparsimasut suliaritinnissaminut utaqqisut, aappaatalu takutippaa agguaqatigiissillugu sapaatip akunnerinik utaqqisut. Utaqqisut naatsorsornerisa takutippaat suliaritittut tunngavigalugit utaqqinerup annikillinissaasa aallaqqaataanit aningaasaliinermi. 12 mio.-nit utaqqisoqarunnaarnissaanut atugassangortinneqarnikut maannakkut siunertamut tassunga maanna aalajangersimasuujunnaarnikuupput. Paaarlattuanik 9 mio. kr.-nik suliaritinnissamut nalinginnaasumik ingerlatsinnermut aningaasaliisoqarnikuuvoq, tamatumani siunertarineqarpoq suliaritinnissamut naleqqutinngitsumik utaqqisarunnaarnissaq. Siunnersuusiortumit naatsorsuutit maannakkut atuutinngillat, kisitsit pitsanngoriaateqartumik allannguuteqarnikummata. Maannakkut napparsimasut 1.260-it utaqqisuni allattorsimapput 2015-mi 1.588-iunikuullutik, kisitsisit piffissap ingerlanerani ikiliartorsimapput, ukiullu ingerlanerani utaqqinerup sivilisussusaa aamma appariartorluni. Kisitsisilli nangaanartoqarsinnaapput pissutigalugu maannakkorpiaq kisitsisaammata.

Utaqqisunut kisitsisit utaqqinerullu sivilisussusaa massakkoqqissaamut takussutissaagaluartut, apeqqutaalluni ukiup qanoq ilinerani immikkut ittunik ilisimasallit Nuup avataani takkuttoqartaraluartoq, paasisimavarput utaqqisut allattorsimaffiani kisitsisit utaqqinerullu

sivissusaa appariartortut. Tamanna ukiuni kingullerni utaqqisut annikillisinneqarnissaat ukkanneqarneratigut utaqqisut naleqquttumik appariartinneqarsimapput, taamaasillunilu napparsimasut suliarineqarnissaanut tulluarsarneqarlutik, taassumallu saniatigut utaqqinerup sivissusaa appartinneqarluni. Eqqaariikkattut, utaqqisoqavinnginnissaa siunertarineqanngilaq, utaqqisummi suliaritinnissamut pitsaasumik ingerlatsisoqarnissaanik qulakkeerinnittuummata aammalu isumalluutinik atuinerup akunnaatsumik atorluarneqarnissaanut. Pineqartumut pingaarnersiuiuarnerup aningaasaliissutit utaqqisunut aalaakkaasumik amerlassuseqalersissinnaavaa imaluunniit appartinnerulersinnaavaa.

Utaqqisut appartinneqareermata aalajangersimasumillu tapiissuteqarluni aningaasaliineq ingerlanneqareermat Naalakkersuisut siunnersuutigineqartup itigartinneqarnissaa inassuteqaatigaat.